



Republika e Kosovës
Republika Kosova
Republic of Kosovo



Kuvendi i Komunës Kaçanik
Skupština Opština
Municipal Assambly
- Komiteti për Politikë dhe Financa-

01Nr. 60/01-4631 /2019
Kaçanik, 15.02.2019

**RAPORT PUNE
I KOMITETIT PËR POLITIKË DHE FINANCA,
PËR VITIN 2018**

Kaçanik, Shkurt 2019

Hyrje

Komiteti për Politikë dhe Financa (KPF) si trup i përhershëm punues i Kuvendit të Komunës, është formuar me Vendim të Kuvendit të Komunës 01Nr.60/01-1946/18 më datë: 24.01.2018, në përbërje prej 7 anëtarëve, me përfaqësim si vijon:

- | | |
|--------------------------|---------------------------|
| 1. Kemal Mërseli | Kryesues sipas funksionit |
| 2. Nexhat Loku | anëtar nga PDK, |
| 3. Pranvera Loku- Zharku | anëtare nga PDK, |
| 4..... | anëtar nga LVV |
| 5. | anëtar nga LDK. |
| 6. Hajredin Luta | anëtar nga AAK |
| 7. Hafize Sallahu | anëtare nga NISMA |

Anëtarët e subjekteve të LVV dhe LDK-së nuk i kanë dhënë fillimisht propozimet e tyre për përfaqësuesit e tyre në KPF, për shkak që kërkonin përfaqësim gjithëpërfshirës të të gjitha subjekteve politike të përfaqësuara në Kuvendin e Komunës dhe pas konfirmimit të ligjshmërisë së Vendimit nga MAPL.

Me datë 28.02.2018, Kuvendi i Komunës mori Vendim 01Nr. 60/01-5524/18, ashtu që plotësoj KPF-me dy anëtarë dhe atë: nga LVV caktohet, Ekrem Kyçyku, ndërkaq nga LDK, Selim Reka, ndërkaq nga KPF hiqet Hajredin Luta, për t'u zëvendësuar me Albana Tronin nga po i njëjti subjekt politik, për shkak të balansimit gjinor. Kështu KPF nga data e sipër cekur, është në përbërje si vijon:

- | | |
|------------------|-------------------------------------|
| 1.Kemal Mërseli | nga PDK, Kryesues sipas funksionit, |
| 2.Nexhat Loku, | nga PDK, anëtar, |
| 3.Pranvera Loku | nga PDK, anëtare, |
| 4.Ekrem Kyçyku | nga LVV anëtar, |
| 5.Selim Reka | nga LDK anëtar, |
| 6.Albana Troni | nga AAK anëtare, dhe |
| 7.Hafize Sallahi | nga NISMA anëtare. |

Përbërja e Komitetit për Politikë dhe Financa, reflekton përfaqësimin e etniteteve politike në Kuvendin e Komunës. Me Komitetin për Politikë dhe Financa, udhëheq Kryesuesi i Kuvendit të Komunës, Kemal Mërseli, sipas funksionit që e ka. Mandati i KPF-së është i lidhur me mandatin e Kuvendit të Komunës.

Përgjegjësitë e Komitetit për Politikë dhe Financa

Sipas nenit 52.2 të Ligjit Nr.03/L-040 - Për Vetëqeverisje Lokale, KPF-a është përgjegjës për shqyrtimin e të gjitha politikave, dokumenteve fiskale dhe financiare, planeve dhe iniciativave, duke përfshirë edhe dokumentet e planifikimit strategjik, kornizën vjetore buxhetore afatmesëm, planin vjetor të prokurimit, rregulloren vjetore të tarifave dhe ngarkesave, planin vjetor të punës së auditimit të brendshëm, buxhetin vjetor afatmesëm dhe çdo ndryshim të buxhetit të komunës gjatë vitit fiskal si dhe marrjen e raporteve nga kryetari i komunës dhe dorëzimin e rekomandimeve në kuvendin e komunës.

Aktiviteti i Komitetit për Politikë dhe Financa

Sipas Ligjit Për Vetëqeverisjen Lokale dhe Statutit të Komunës, si dhe kompetencave të bartura nga Kuvendi i Komunës (kompetencës për ndërrimin e destinimit të tokës bujqësore në tokë

ndërtimore) KPF-a për gjatë periudhës raportuese është munduar që në suaza të kompetencave të veta t'i realizoj detyrat të cilat janë parashtruar.

Në këtë drejtim, me angazhimin e vet, kjo trupë punuese është munduar të formuloj aso zgjidhje dhe t'i hulumtoj drejtimet me adekuate për zhvillimin e komunës, e më këtë krijimin e kushteve për një jetë sa me të mirë të qytetarëve të komunës. Veprimtarinë e vet e ka orientuar në fusha të ndryshme të cilat me legjislacionin në fuqi i janë lënë në kompetencë. Kjo veprimtari gjatë periudhës raportuese ishte mjaft e gjerë, paraqitën nevoja të ndryshme dhe ky komitet ka arritur në një masë t'i realizoj detyrat të cilat janë parashtruar, por assesi nuk është i kënaqur, pasi nevojat e shumta të qytetarëve të komunës na bëjnë që edhe më tutje të angazhohemi në zgjidhjen e çështjeve jetike. Aktiviteti i Komitetit për Politikë dhe Financa është zhvilluar në takime të rregullta mujore. Gjatë periudhës raportuese ky komitet ka mbajtur gjithsej 11 mbledhje të rregullta. Mbledhja e parë është mbajtur me 5 anëtarë, pasish dy subjektet politike LVV dhe LDK nuk i kishin dhënë propozimet e veta për arsye të theksuara, kështu që pas konsultimit me MAPL së mund të thirret mbledhja e KPF me përbërje prej 5 anëtarëve, sepse ka kuorum, është ftuar dhe mbajtur mbledhja e I-r e KPF. Mbledhjet e Komitetit për Politikë dhe Financa kanë qenë të suksesshme dhe konstruktive. Angazhimi i anëtarëve të KPF-a ka qenë në nivel të duhur. Prezenca e anëtarëve të këtij komiteti ka qenë e rregullt. Në mbledhjet e KPF-së ka mbretëruar një frymë e punës dhe e bashkëpunimit në mes të subjekteve politike të përfaqësuara në këtë komitet. Çështjet që kanë qenë në interes të përgjithshëm të komunës, kryesisht janë aprovuar njëzëri. Për të gjitha mbledhjet e KPF-a është mbajtur Procesverbal i cili ruhet me pedanteri dhe është transparent në çdo kohë. Në takimet e KPF-së janë shqyrtuar çështje të ndryshme në interes të komunës. Për disa çështje të caktuara në këtë komitet janë marrë edhe vendime adekuate apo iu kanë rekomanduar organit vendimmarrës- Kuvendit të Komunës për shqyrtim dhe vendosje apo sa për njoftim. Për të gjitha çështjet të cilat është dashur të debatohet Kuvendi i Komunës në seancën e vet, kjo trupë punuese paraprakisht i ka shqyrtuar dhe e ka dhënë mendimin e vet. Në këtë drejtim ka shqyrtuar 73 çështje për të cilat ia ka Rekomanduar Kuvendit të Komunës për shqyrtim apo marrjen e vendimit adekuat.

Duke marrë parasysh natyrën e çështjeve të cilat janë parashtruar, ka marrë Vendime për ndërrimin e tokës bujqësore në tokë ndërtimore, për të cilat paraprakisht ka kërkuar mendimin profesional të drejtorisë përkatëse. Po ashtu në çdo mbledhje të KPF-së është aprovuar Procesverbali i mbledhjes së kaluar të KPF-së. Vlen për t'u theksuar se për çdo çështje që ka aprovuar ky komitet, është hartuar akti konform Vendimit të KPF-së.

Në takimet e kësaj trupe punuese kanë marrë pjesë, Kryetari i Komunës apo Nënkryetari i Komunës dhe drejtorët e Drejtorive Komunale, të cilët i kanë arsyetuar çështjet e propozuara sipas fushë veprimtarisë së tyre. Ekzekutivi i komunës në mbledhjet e KPF-a ka dhënë edhe Informacione tjera të nevojshme shtesë aty për aty, apo në mbledhjen vijuese në formë të shkruar për çështje të ndryshme dhe sipas kërkesave të KPF-a.

Bashkëpunimi i KPF-a me stafin ndërkombëtarë gjatë periudhës raportuese ka qenë në nivelin e duhur. I gjithë materiali i mbledhjes i është dërguar OSBE, të cilët kryesisht i kanë monitoruar mbledhjet. Gjithashtu materiali i mbledhjes i është dërguar edhe OJQ-ve Mbledhjet e KPF-së janë mbajtur me dyer të hapura për çdo të interesuar për me i përcjellë mbledhjet. Punën e kësaj trupe punuese e ka përcjellë edhe zyrtari për Informim, dhe për aktivitetin e zhvilluar të KPF-a ka bërë një përmbledhje të punimeve të çdo mbledhje dhe të njëjtin e ka plasuar në faqen zyrtare të komunës. Ftesa për mbledhje është publikuar çdo herë në faqen zyrtare dhe në tabelë të shpalljeve. Kjo tregon sesa ka qenë transparente kjo trupë punuese ndaj; qytetarëve të komunës, mediave, OJQ, etj. për takimet e KPF dhe aktivitetin tjetër të saj të zhvilluar përgjatë periudhës raportuese.

Çështjet e shqyrtuara

Komiteti për Politikë dhe Financa gjatë periudhës raportuese i ka shqyrtuar gjithsej, 73 pikë, pa e përfshirë Procesverbalin e mbledhjes së KPF, i cili ka qenë pikë e parë e rendit të punës në çdo mbledhje. Çështjet e shqyrtuara janë materiale të përgatitura nga shërbimet përkatëse profesionale të komunës. Propozim Vendimet kanë qenë të natyrave të ndryshme. Në kuadër të propozim Vendimeve janë shqyrtuar çështje të cilat kanë të bëjnë me rregullativen normative, çështje buxhetore, raporte dhe programe të punës së ekzekutivit të komunës, propozim vendime të ndryshme të shërbimeve përkatëse profesionale, dhe çështje tjera më rëndësi për komunën. Në vazhdim do të i potencojmë çështjet të cilat kanë qenë në shqyrtim të Komitetit për Politikë dhe Financa;

Draft Rregulloret

Në kuadër të kësaj sfere bëjnë pjesë aktet normative të cilat kanë qenë në shqyrtim të kësaj trupe punuese. Në këtë drejtim ky Komitet ka shqyrtuar akte normative të propozuara nga shërbimet përkatëse profesionale, dhe atë:

- Propozim Rregulloren për organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës së Kaçaniku;
- Propozim Rregulloren për Organizimin e punës në Shkolla Fillore dhe të Mesme të Ulëta dhe të Mesme të Larta;
- Propozim Rregulloren për varrezat, ofrimin e shërbimeve të varrimit, rregullimin dhe mirëmbajtjen e tyre; dhe
- Propozim Rregulloren për Tatimin për pronën e paluajtshme për vitin 2019.

Çështjes së akteve normative në përgjithësi kjo trupë punuese i ka kushtuar rëndësi të veçantë; Të Rregullorja e tatimit në pronë, KPF ka propozuar të ulën normat tatimore të shtëpitë e banimit dhe të ato prona të cilat nuk kanë infrastrukturë, pavarësisht zonës I apo II, ndërkaq ka propozuar të ngritën normat tatimore për vilat.

Të Rregullorja për Organizimin e punës në Shkolla Fillore dhe të Mesme të Ulëta dhe të Mesme të Larta, ka sugjeruar që të kenë masa disiplinore edhe për arsimtarë, ndërkaq KPF e sheh të nevojshme që shkollat të kenë psikologë dhe pedagogë, në mënyrë që të zvogëlohen problemet e nxënësve në shkolla.

KPF e ka mirëpritur Rregulloren për varrezat, ofrimin e shërbimeve të varrimit, rregullimin dhe mirëmbajtjen e tyre, me qëllim të unifikimit të varrezave, krijimin e një rendi e rregulli të varrimeve, ndërkaq kanë kërkuar të rishqyrtohet çështja e kompensimit të shpenzimeve të varrimit.

Të Propozim Rregullorja për organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës së Kaçaniku, KPF ka kërkuar të shtohet edhe një këshill në qytet, nga dy sa janë propozuar në rregullore, të bëhen tri këshilla në qytet, ndërkaq ka kërkuar të gjenden mundësi për kompensimin e këshillave të fshatrave, vendbanimeve dhe lagjeve urbane.

KPF i ka dhënë vërejtjet e saja në të gjitha Rregulloret e sipërpërmendur dhe të njëjtat me Rekomandime të këtij komiteti i janë përcjellë Kuvendit të Komunës për shqyrtim dhe miratim.

Kur jemi të rregullativa normative, pjesë e shqyrtimit nga KPF ka qenë edhe Propozimi për Ndryshim Plotësimin e Statutit të Komunës. Për draftin në fjalë KPF ka debatuar në dy mbledhje, ka dhënë mendimet e tija dhe të njëjtin ia ka adresuar Kuvendit të Komunës për shqyrtim dhe aprovim apo në procedurë të mëtutjeshme-debatit publik me qytetarë të komunës.

Kontribut të veçantë në çështjen e rregullativës normative, KPF-a ka dhënë edhe në Debate publike të organizuara më qytetarë në çështjen e ndryshim plotësimeve të Statutit të komunës.

Draftet-Buxhetore dhe Raportet Financiare

Si çdo herë kur janë shqyrtuar çështjet buxhetore edhe në vitin 2018, KPF-a i ka kushtuar rëndësi të veçantë; Kornizën afatmesme të shpenzimeve të Komunës së Kaçanikut për vitet: 2018-2019 dhe Buxhetit të Komunës së Kaçanikut, për vitin fiskal 2019 dhe vlerësimet për vitet 2020-2021, Korniza afatmesme e shpenzimeve është dokument fillestar për hartimin e buxhetit të komunës. Dokumente përcjellëse që i kanë paraprirë hartimit të buxhetit për vitin 2019 janë: Qarkoret e brendshme buxhetore. Vetëm për Draftin kornizë dhe dokumentet tjera përcjellëse- qarkoret buxhetore, KPF-a ka debatuar gjerë e gjatë, e ka dhënë mendimin e vet, ndërkaq Draftin Kornizë ia ka Rekomanduar Kuvendit të Komunës për shqyrtim dhe miratim. Vlen të përmendet së për Qarkoret buxhetore dhe për Draftin kornizë janë mbajtur edhe dëgjime publike me qytetarë të komunës, ku përpos organeve të administratës komunale kanë qenë të obliguar të marrin pjesë edhe anëtarët e KPF-a, të cilët në këtë drejtim e kanë dhënë kontributin e tyre.

Projekt Buxheti i Komunës për vitin fiskal 2019 dhe kërkesat e projektuara për vitet, 2020 dhe 2021

Në këtë dokument, KPF-a i ka dhënë propozimet e veta për projektet që duhet të hyjnë në realizim më buxhetin afatmesëm të komunës për vitet: 2019-2021. Në këtë drejtim, KPF e ka aprovuar Buxhetin e Komunës për vitin 2019 në shumë: 8.381.634 €, dhe Projektionet për vitet 2020-2021, në shumat buxhetore : 8.651.903 € për vitin 2020 dhe: 8.964.018 € për vitin 2021. Edhe në këtë plan afatmesëm buxhetor, KPF-a i ka futur synimet e veta për secilën veprimtari konform Statutit të Komunës, dhe çdo herë duke iu dhënë prioritet Listës së Projekteve Kapitale. Në këtë drejtim ka aprovuar një Listë me 64 Projekte Kapitale, duke iu dhënë prioritet atyre projekteve që janë me të nevojshme dhe emergjente për komunitetet në shumën, 2,012,431.00€. Duke marrë për bazë faktin se më buxhetin e ndarë për projekte kapitale, nuk mund të realizohen të gjitha projektet e aprovuara sepse disa nga projektet kanë hyrë në listë vetëm sa për t'u koduar, mirëpo gjithherë është menduar në angazhimin e organeve të komunës, në nivelin qendror dhe më gjerë për gjetjen e donacioneve më qëllim që projektet e aprovuara të realizohen. Kontributin e vet për çështjen e buxhetit të komunës, KPF-a e ka dhënë edhe në debatet e organizuara më qytetarë, ku një debat publik për çështje të buxhetit të komunës është organizuar nga kjo trupë punuese. Pas vlerësimit të thukët nga KPF-a, Projektbuxheti i Komunës për vitin fiskal 2019 dhe Kërkesat e projektuara për vitin 2020-2021, i është përcjellë Kuvendit të Komunës për shqyrtim dhe miratim.

Raportet Financiare të aprovuara nga KPF

- Raportin Vjetor Financiar për vitin e përfunduar më 31 dhjetor 2017,
- Raportin Financiar të Komunës së Kaçanikut, për periudhën: janar-mars, 2018,
- Raportin e realizimit të mjeteve buxhetore për periudhën: janar-qershor, 2018,
- Raportin e realizimit të mjeteve buxhetore për periudhën, janar-shtator 2018,
- Raporti Final i Auditivit të Përgjithshëm dhe Planit i Veprimtari lidhur me Pasqyrat vjetore financiare, për vitin e përfunduar me 31.12.2017.

Të çështja e raporteve financiare, vlen të përmendet se, KPF-a, në disa sektorë vlerëson se janë përmbushur objektivat në pajtim me planifikimin e të hyrave vetjake komunale, ndërsa në disa sektorë në raport më planifikimin ka qenë më pak i kënaqur dhe këto pakënaqësi kjo trupë

punuese i ka shprehur sa herë të ekzekutivi i komunës dhe sugjerimet e KPF-a kanë ndikuar në një angazhim pak më të madh të sektorëve të caktuar që inkasimi i të hyrave vetjake komunale në sektorë të caktuar të shënoj ngritje. Komiteti për Politikë dhe Financa e vlerëson pozitivisht realizimin e të hyrave vetjake nga Tatimi në Pronë, ndërsa është pritur ngritje e inkasimit të të hyrave nga lejet ndërtimore. Gjithashtu të taksat për leje ndërtimi, shfrytëzimin e pronës komunale, taksat në bujqësi e pylltari, gjëbat nga inspektorati dhe të shitja e masës drusore, KPF ka shprehur shqetësimet e tija së inkasimet janë të vogla. Të gjëbat nga inspektorati, edhe pse në vitin 2018 ka pasur pak të hyra, KPF nuk është i kënaqur sa duhet me inkasimin e realizuar. Në Raportet financiare, vlen të cekët se KPF-a ka kërkuar sqarime shitesë të shpenzimeve buxhetore në programe të caktuara buxhetore sa herë që janë shqyrtuar raportet financiare aty ku ka pasur paqartësi, ndërsa për çdo shpenzim që ka menduar se është i madh apo më pak i arsyeshëm në raport me nevojat të tjera, ka dhënë vërejtjet e tija, ndërkaq i ka mbështetur rekomandimet e Zyrës Gjenerale të Auditorit për zbatimin e rekomandimeve të paraqitura si në raportin e vitit 2017. Kur jemi të raportet financiare, vlen të përmendet se KPF-a ka kërkuar informacion për procedurat e udhëhequra të tenderimit, ndërkaq kanë sugjeruar Kryetarit të Komunës që Zyra e Prokurimit në bashkëpunim me drejtoritë përkatëse komunale të angazhohen lidhur me projektet për të cilat janë zhvilluar procedurat tenderuese, të realizohen në afatet e përcaktuara kohore, ashtu siç e parasheh Ligji i Prokurimit Publik, në mënyrë që mos të ngelin mjete në suficit buxhetore në suficit.

Propozim Vendimet për çështje financiare

Propozim Vendimeve për çështje financiare, KPF-a iu ka kushtuar një rëndësi e veçantë, në këtë drejtim në pamundësi të realizimit të disa projekteve kapitale apo çështje të tjera, është intervenuar në mjetet që nuk kanë arritur të realizohet sipas Listës së projekteve kapitale nga vitet paraprake, për t'i bartur në ndonjë projekt tjetër kapital. Ndërkaq me qëllim që mos të ngelin mjete buxhetore në suficit, KPF ka aprovuar Propozim Vendimi për rialokimin dhe transferin e mjeteve të projekteve kapitale sipas buxhetit të vitit 2018. Nga kategoria e Subvencioneve dhe Transfereve ka lejuar mjete buxhetore për realizimin e projekteve të drejtorisë së Arsimit dhe Kulturës, dhe të Projekteve të drejtorisë së Bujqësisë, Zhvillimit Rural dhe Pylltarisë, me një shpërndarje për projekte sipas Planit buxhetor të propozuar nga këto drejtori, masën drusore të konfiskuar ka vendosur me ua ndarë shkollave, edhe pse ka pasur propozim që masën drusore me ua ndarë skamnoreve. Kur jemi të konfiskimi i masës drusore, KPF ka shprehur shqetësim për dëmtimin dhe shkatërrimin e pyjeve në masë të madhe, ndërkaq në anën tjetër, masa drusore e konfiskuar është shumë e vogël apo vetëm 54m³. Rrëndësi e veçantë në shpërndarjen e subvencioneve të DAK iu është dhënë kompensimit të udhëtimeve të nxënësve të shkollave të mesme, ndarjen e bursave, financimin e SHKA, Klubeve Sportive dhe OJQ, krejt këto ndarje me u bërë në bazë të Rregullores për subvencione dhe transfere.

Për çdo ndryshim buxhetor të propozuar, KPF-a ka kërkuar sqarime të nevojshme nga propozuesi pse ka ardhur deri të ndryshimet buxhetore, e në veçanti ka kërkuar arsye të projektet kapitale që kanë qenë në listë për realizim e nuk janë realizuar në kohën e përcaktuar.

KPF, pos tjerash ka kërkuar në vazhdimësi sqarime të nevojshme nga ekzekutivi i komunës se deri ku kanë arritur realizimi i projekteve: Ndërtimit të Palestrës Sportive, dhe Ndërtimi i Stadiumit të qytetit "Besnik Begunca" dhe projekte tjera më rëndësi për komunën.

Nga çështjet financiare ka aprovuar këto Propozim Vendime:

Propozim Vendimi për bartjen e mjeteve të pashpenzuara nga vitet paraprake, për shpenzim me buxhetin e vitit 2018; Propozim Vendimi për ndarjen e mjeteve buxhetore sipas programeve dhe kodeve të projekteve kapitale; Draft – Korniza Afatmesme Buxhetore e Komunës së Kaçanikut,

për vitet 2019 - 2021; Raporti i Auditimit për Pasqyrat Financiare Vjetore të Komunës së Kaçanikut për vitin e përfunduar më 31 Dhjetor 2017; Plan i Veprimit për Zbatimin e Rekomandimeve të Auditorit për Pasqyrat Vjetore Financiare të Komunës së Kaçanikut për vitin e përfunduar 2017; Propozim Vendimi për transferimin/rialokimin e mjeteve buxhetore, sipas buxhetit 2018; Propozim Vendim për Buxhetin e Komunës së Kaçanikut për vitin fiskal 2019 dhe vlerësimet për vitet 2020-2021; Propozim Vendim për rregullimin e ndarjeve buxhetore të Komunës për vitin 2018.

Për të gjitha këto çështje, janë dhënë vërejtjet dhe sugjerimet nga KPF-a dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

Propozim Vendimet për çështje tjera më rëndësi për komunën që ka shqyrtuar KPF

Propozim Vendimi për Themelimin e Komisionit Komunal të Aksionarëve për KRU “Bifurkacioni” – Sh.A. Njësia Kaçanik; Propozim Vendimi për Themelimin e Komisionit Komunal të Aksionarëve për KRM “Pastërtia” – Sh.A. Njësia Kaçanik; Propozim Vendimi për Themelimin e Komisionit Komunal të Aksionarëve për NPK “Stacioni i Autobusëve” Sh.A. Kaçanik; Propozim Vendimi për formimin e Komisionit për emërimin ,riemërimin dhe shqyrtimin e ankesave të rrugëve lokale; Propozim Vendimi për shpalljen e interesit të përgjithshëm të pjesës së parcelës kadastrale Nr. 00246-0, Z.K. Soponicë, e evidentuar në emër të Esat Xhemal Guri nga f.Nikaj për zgjerimin e lokacionit të varrezave të dëshmorëve; Propozim Vendim për shpalljen e interesit të përgjithshëm të parcelës kadastrale Nr. 01507-0 në vendin ‘Guri i Zi’ Z.K. Biçec, PSH, Ekonomia Pyjore në Kaçanik, për zgjerimin e lokacionit të varrezave të dëshmorëve; Propozim Vendimi për iniciimin e procedurave për themelimin e Teatrit të Qytetit të Kaçanikut, si institucion me status publik; Propozim Vendimi për formimin e komisionit vlerësues për dhënien në shfrytëzim të pronës së paluajtshme të Komunës; Propozim Vendimi për ndryshim plotësimin e Statutit të Komunës; Propozim Vendimi për miratimin e planifikimit të rrugës Kaçanik- Ivajë- Shtrazë, sipas situacionit të bashkangjitur të lëndës dhe inkuorporonim e saj në Planin Zhvillimor Komunal; Propozim Vendimi për dhënien në menaxhim të përkohshëm të tregut të gjelbër, Ndërmarrjes Publike “Stacioni i Autobusëve” Sh.A. Kaçanik; Propozim Vendimi për dhënien e Pëlqimit, Organizatorit të Fondacionit “Idriz Seferi” për gdhendjen në shkëmb të figurës – heroit kombëtar, Idriz Seferi të Gryka e Kaçanikut; Propozim Vendimi për formimin e Komisionit për zgjedhjen e këshillave lokale; Propozim Vendimi për fillimin e Procedurave për rishqyrtimin e Planit Zhvillimor Komunal dhe harmonizimin e tij me ligjin e planifikimit hapësinor 04/L-174 ; Propozim Vendimi Paraprak për dhënien e pronës së paluajtshme të Komunës, në shfrytëzim afatshkurtër; Propozim Vendim për formimin e Komisionit për hartimin e Draft-Rregullores për përcaktimin e kushteve dhe kriterëve për dhënien me qira të banesave në pronësi të Komunës; Propozim Vendim për Themelimin e Komitetit Konsultativ për Personat me Aftësi të Kufizuara; Propozim Vendim për dhënien në shfrytëzim afatgjatë të pronës së paluajtshme të komunës, parcelën kadastrale Nr. 00587-2, ZK në Kaçanik, Agjencisë të punësimit të Republikës së Kosovës; Propozim Vendimi për hartimin e Planit Zhvillimor Komunal; dhe Propozim Vendimi për ndarjen e masës drusore të konfiskuar, shkollave të Komunës;

Propozim vendimet e propozuara kryesisht janë të natyrave të ndryshme me rëndësi për komunën. E një rëndësi të veçantë është: Propozim Vendimi për hartimin e Planit Zhvillimor Komunal, kur dihet se ka pasur devijime të PZHK nga autostrada etj. kështu që është nevojë e kohës të bëhet një plan i mirë dhe i qëndrueshëm me ekspertë të lëmit përkatëse qoftë nga jashtë apo nga brenda, pavarësisht implikimeve buxhetore. Gjithashtu me një rëndësi në

aspektin financiar të komunës është edhe Propozim Vendimi për dhënien e pronave komunale në shfrytëzim, ku paraprakisht KPF ka debatuar për formimin e komisionit vlerësues për zhvillimin e procedurave për dhënien e këtyre pronave në shfrytëzim afatshkurtër apo afatgjatë. Për të gjitha Propozim Vendimet e lartcekura, KPF ka debatuar gjerë e gjatë, ka kërkuar mendimin profesional nga shërbimet përkatëse profesionale, dhe të njëjtat me Rekomandime të KPF iu kanë proceduar Kuvendit të Komunës për shqyrtim dhe aprovim, me përjashtim të Propozimit me Nr. 10 Propozim Vendimi për miratimin e planifikimit të rrugës Kaçanik- Ivajë-Shtrazë, sipas situacionit të bashkangjitur të lëndës dhe inkorporimin e saj në Planin Zhvillimor Komunal, pasi që lënda nuk ka qenë e kompletuar, kështu kjo lëndë është refuzuar, ndërkaq Propozim Vendimi për lirin nga pagesa e Tatimit në Pronën për personat e verbër e ka hequr nga rendi i punës për shkak se nuk ka qenë e sqaruar sa duhet bazës ligjore.

Vendimet e miratuara nga KPF

Komiteti për Politikë dhe Financa, në kuadër të fushë veprimtarisë së vet ka marrë 8 vendime për ndërrimit të destinimit të tokës bujqësore në tokë ndërtimore, ndërkaq 1 vendim është rishqyrtuar për shkak të disa gabimeve teknike të sipërfaqes së pronës. KPF-a sa herë që i adresohen propozim vendime të kësaj natyre, sugjeron ekzekutivit të komunës që të kenë kujdes për mos cenimin e Planit Zhvillimor të Komunës në njërën anë dhe në anën tjetër, sugjeron që të ruhet tokat bujqësore, sepse fondi i tokave bujqësore në komunën e Kaçanikut është shumë i vogël.

Planet dhe Raportet e Punës dhe çështje të tjera

Nga Planet dhe Raportet e Punës kjo trupë punuese ka vënë në shqyrtim;

- Raportin e Punës së Ekzekutivit të Komunës për periudhën, janar-dhjetor, 2017;
- Planin e Punës së Ekzekutivit të Komunës për vitin 2018;
- Plani i Mbrojtjes nga Zjarri për Komunën e Kaçanikut;
- Planin të Punës së Kuvendit të Komunës, për vitin 2019;
- Plani i Punës së Këshillit Komunal për Siguri në Bashkësi (KKS) për vitin 2019;
- Plani Lokal i Veprimit për Personat me Aftësi të Kufizuara në Komunën e Kaçanikut, 2019-2021;
- Plani i Punës së Komitetit për Shërbime Publike për vitin 2019;
- Plani i Veprimit për Transparencë, për vitin 2019;
- Plani i Integritetit të Komunës së Kaçanikut, për vitet 2019-2021; dhe
- Raporti i Shoqatës së Bjeshkatarëve Alpinistë “Kaçaniku 2015” për shpenzimin e mjeteve financiare nga subvencionet.

Këtyre çështjeve KPF iu ka kushtuar rëndësi të veçantë, ashtu që i ka shqyrtuar në detaje të gjitha raportet dhe planet e punës të potencuara si më lartë, ka dhënë vërejtjet dhe sugjerimet e veta dhe të njëjtat ia ka rekomanduar Kuvendit të Komunës në procedurë për shqyrtim dhe aprovim apo sa për njoftim. Vlen të përmendet të çështja e raportit të shoqatës së bjeshkatarëve, KPF ka sugjeruar që në të ardhmen njëjtë të veprojnë edhe përfituesit tjerë të subvencioneve dhe transfereve, ashtu që për mjetet e përfituara nga subvencionet dhe transferet, të hartohet raport me shkrim për shpenzimin e tyre dhe ato raporte t'i dërgohen organeve të komunës.

Çështjet të tjera me rëndësi për komunën që janë shqyrtuar nga KPF

- Informatë për dëmet e shkaktuara nga të reshurat e shiut;
- Informatë e MAPL për kualifikimin e Komunës së Kaçanikut për përfitimin e Grantit të

Performancës, në bazë të vlerësimit të shërbimeve cilësore me qytetarët e komunës, për vitin 2016;

- Informatë e DAK për Fillimin e vitit shkollor 2018/2019;
- Informatë për Përfundimin e vitit shkollor 2017/2018; dhe
- Informatë- Përmbledhja e Rezultateve për vitin 2017, për Grantin e Performancës- Komuna Kaçanik.

Kur jemi të Granti i Përfundancës, KPF është falënderuese që komuna ka arritur të fitoj grantin e përfundancës në bazë të aktiviteteve të punës së komunës, ndërkaq ka sugjeruar që aty ku ka mundësi komuna me rritur grantin e përfundancës së komunës, ai aktivitet tani e tutje të zhvillohet, si të çështja e shqyrtimit të Raportit të Auditorit të brendshëm nga KK, etj.

Kur jemi të çështja e mirëmbajtjes së rrugëve lokale, KPF ka kërkuar nga DSHPE që të hartoj një Informatë për mirëmbajtjen e rrugëve lokale në sezonin e dimrit dhe ajo informatë t'i dërgohet KK, për informim. KPF-a i ka shqyrtuar në detaje të gjitha Informata e theksuara si më lartë, ka dhënë vërejtjet dhe sugjerimet e veta dhe të njëjtat ia ka adresuar KK procedurë sa për informim.

Punët dhe detyrat e punës së KPF-a përgatiten nga një zyrtar i punësuar në Shërbimin Profesional të Kuvendit të Komunës dhe asistuesit të Kryesuesit të Kuvendit. Me angazhimin e këtyre zyrtarëve, përgatiten mbledhjet e KPF-a, përgatitet materiali i nevojshëm, përpilohet; Procesverbal i mbledhjes, Vendimet dhe Shkresat tjera të dalë nga mbledhjet e kësaj trupe punuese dhe të njëjtat arkivohet për nevojat e Shërbimit Civil të Komunës. Të njëjtat punë këta zyrtarë kryejnë edhe për Kuvendin e Komunës dhe trupat tjerë punuese të KK.

Përfundim

Komiteti për Politikë dhe Financa është i vetëdijshëm se gjatë periudhës raportuese nuk ka qenë në gjendje të realizoj të gjitha synimet e veta në drejtim të zgjedhjes së çështjeve si pasojë e së kaluarës dhe me një buxhet të limituar, por angazhimi i tyre jep shpresë se në një të ardhme të afërt dhe me një angazhim permanent në gjetjen e donacioneve etj. si dhe shqyrtimin e mundësive për shtimin e të hyrave vetjake komunale, gjendja do të përmirësohet. KPF është i mendimit që veprimtarinë e vet në të ardhmen do t'i orientoj në arritjen synimeve në realizimin e projekteve kapitale më rëndësi ekonomike, duke u bazuar në Planin Zhvillimor Urban dhe në Planin Zhvillimor Komunal dhe realizimin e projekteve kapitale më prioritet sipas Listës së aprovuar për vitin 2019, ndërkaq vlerëson se ka nevojë të bëhet më tepër në këto segmente:

Zhvillimin ekonomik të komunës, Shtimin e të hyrave vetjake komunale apo së paku realizimin e atyre që planifikohen, Zbutjen e papunësisë, Ngritjen e mirëqenës sociale, Çështjen e banimit social, Kujdesin primar shëndetësor, Ngritjen e cilësisë në arsim, Përmirësimin e infrastrukturës shkollore, Ndërtimin e objekteve shkollore të reja, Ndërtimin e katit të dytë të SHMP" Feriz Guri dhe Vëllezërit Çaka", Përfundimin e objekteve kulturore dhe sportive; Hallës së sporteve dhe të Stadiumit të qytetit, Ofrimin e Shërbimeve publike sa më cilësore, Nevojën për shtimin e subvencioneve dhe transfereve në sektorët: Arsim, Shëndetësi dhe Bujqësi, Përmirësimin e infrastrukturës fizike (rrugë, ujësjellës dhe kanalizim), Mbrojtjen e ambientit, Zbatimin e rregullave të ndërtimit sipas standardeve, etj.

Shkurt, 2019

Për Komitetin për Politikë dhe Financa
Kryesuesi i Kuvendit, Kemal Mërseli

